

## E tausi kae fakaoga pefea ne matou ou fakamatalaga tau te ola 'lei

National Public Health Service (NPHS) – Northern Region e aofia i te puipuiga mo te fakafolikiga o te salalau o masaki pisi. Te mea nei e mafai o aofia te fakasautala gutu o tino e pokotia (tino e masaki io me e mafai o pokotia ne se masaki pisi) pela foki mo fesokotakiga o masaki (tino e maluga te mafai o maua se masaki pisi mai se tino e masaki), io me maua io me tausi a fakamatalaga totino o te ola 'lei mai nisi fakailoaga.

Ou fakamatalaga e puipui i lalo o te Health Information Privacy Code e pela foki mo nisi tulafono.

A fakamatalaga e maua mai fakasautalaga gutu, io me i nisi auala aka, ka fakaoga fua mo fesoasoani ki te puipuiga o te salalau o masaki pisi kae tausi a nisi tino ke saogalemu.

A fakamatalaga e maua ka tausi ne te NPHS mo te National Public Health Service, kola ne vaega o Health New Zealand - Te Whatu Ora.

NPHS e mafai o manakogina ke fakailoa a fakamatalaga ne maua ki nisi tino e aofia i te tausiga o masaki pisi ke se salalau, pela mo tau tokita io me ko nisi fakapotopotoga fesoasoani o te ola 'lei. Ka fakailoa fua ne matou ou fakamatalaga mo te pogai ke tausi ke se salalau te masaki.

Nisi fakamatalaga e mafai o fai ke iloa ne tino, pela mo koga mo faigamea ne oko koe kiei. Te mea nei e fesoasoani ke maua a tino kola ne mafai o isi ne olotou fesokotakiga mo koe. Ou fakamatalaga totino ka se fakamatala atu ki tua i so se tino.

E mafai ne koe o maua ou fakamatalaga totino o te ola 'lei manafai e manako koe kiei, kae e mafai ne koe o fakatagi kiei ke fakatonu manafai e fakatau koe me e se tonu io me e fakasee ne ia tino.

E mafai ne koe o ave au faitioga e uiga mo au fakamatalaga totino o te ola 'lei ki tau District Privacy Officer o te ola 'lei io me ko te [Ofisa o te Privacy Commissioner](https://www.privacy.org.nz/):  
<https://www.privacy.org.nz/>

Te fakamatalaga ne fakafesili atu matou kiei e taaua ki te taofiga o te salalau o masaki pisi. Kafai e se aumai ne koe a fakamatalaga kona, te taofiga o masaki konei ka mafai o faigata atu. I nisi taimi, e mafai o manakogina ne matou ke aumai ne koe ki a matou a fakamatalaga i lalo o te Health Act (Tulafono o te Ola 'Lei).